

# 2021-MIIT 2025-MUT ILIUUSISSATUT PILERSAARUT



# ASASAGUT SOQUTIGINNITTUT,

Transparency International Greenland (TIG) 2020 ukiaagaa 2021-miit 2025-mut nutaamik iliuusissaminnik pilersaarsiorsimapput. Kalaallit Nunaanni killiffiit iluini tulluasaallutik inerisaasimapput– kisianni soorunami Transparency Internationalip qulequttatigut nunarsuaq tamakkerlugu iliuusissiaan- nut 2030-mut 'Holding Power to Account' (bilag 1 takuu), sinaakkutaritinneqartut iluiniitillugit.


Iluusissatut pilersaarusiaq ersarissakanik anguniagalersu- gaq massakkorpiaq pisariaqtippalput. 2021 tassaavoq Transparency International Greenlandip pilersinnejnarneraniik ukiunik qulinngortorsiorfia taamaalilluni Transparency Internationalimut Kalaallit Nunanni attaveqaataalerluni. Ukiuni taakkunani qulini ineriertorsimaqaagut nukittuumik ersarisumik ilisimaneqarluartumillu nipeqarluta ammasuunissa- mik, inuit tamat oqartussaaqataanerannik soorunami aamma peqquserluuteqarlunilu iluanaaruteqartoqanngissamik oqa- riartuuteqarluta isummersuuteqartarnitsigut. Isummat taakku pigalutigit ukiuni tullinnguuttuni tallimani killiffitsinniik allo- riaqqittaassaagut suli nukittuninngorluta ataavartitsinissamik naapertuulluartumillu Kalaallit Nunaanni iluaqusersuutaasus- sanik ineriertuuteqartitsinitsigut.

Iluusissatut pilersaarusiaq sutigut tamatigut pilersaarusiaa- voq annertooq. Aatsaat, peqatijiffingorattali, taamannak iliuusissatut pilersaarummik annertutigisumik suliassartaqr- tigisumillu ingerlatsivugut, TIG ukiunut tallimanut alloriaatis- sanik anguniagalersukkamik iliuusissiornermigut pernarpoq, pilersaarusiukkaminillu malitseqartitsinissamik ilalinnik.

Annertuvoq, ingammik eqqarsaatigigaanni kattuffeeraanerput, kajumissutsimikkut sulisuinnangajannik sulisoqarluta, ilisi- masaminnik, piginnaasamikku avitseqatigaluta, piffissamillu atuiffagaluta sammisamut Kalaallit Nunaannut pingaarutile- rujussuarmik iluaquataasussanik imalimmut.

Taamaattumik akoorusuttut ikuuutaarusutullu perusuttut tamakkerlugit pisariaqtippagut. Tamannalu aamma iliuusis- satut pilersaarusiami ersippoq. Illit inuttut – suliffeqarfimmii inuttatut imaluunniit soqutiginninerit aallaavigalugu suliatsin- nut tapeeqataanissat pisariaqtippalput.

Siunissami ukiumoortumik nalunaarusiatsinni iliuusissatsin- ni anguniagaliussatta sumut killiffiinik malitseqartitsilluta ilanngussisarumaarpugut, suliagut malinnaaffigisarniassa- gakkit immaqalu ujartuiffagaluta.



*Transparency International Greenlandip  
siulersuisui allaffissornikkullu ingerlatsisui*

Februar 2021

Birita í Dali, Anita Hoffer, Karen Heilmann Lennert,  
Christian P. Jerimiassen, Dora Drechsel,  
Anja Rindom Bøndergaard





# SIUNERTAQ

Peqatigiiffiup siunertaraa peqquserlulluni iluanaarniartarernik pinaveersaartitsinissani, nunagisami iluani, nunarsuarmi tamarmi, Transparency International peqatigalugu.

Peqatigiiffiup peqquserlulluni iluanaarniartarneq akiorniarpa ingerlatsivinnilu suniluunniit annertusisamik ammasuutitsinissamik sulissuteqarnermigut, namminersortuullutik suliffiutilinni ammasuunissamik inuiaqtiginnili naliginnasumik aamma ammasuunissamik sulissuteqarnermigut sanitigullu peqquserlulluni iluanaarniartarnerit pillugit paassisutissanik siammerinermigut kiisalu taamaattoqartartillugu suut kingunipilorisarneraat paassisutissiiffigaluguttaaq.

**Peqatigiiffik imminent pisussaaffilerpoq Transparency Internationalimi maleruagassanik malinninniarluni:**

- Inatsisinut eqqumasarnissaq, allaffissornikkut maleruaqqussutinik malinnaasarnissaq il.il. namminersorlutik suliffeqarfiugunik naalagaaffiulluunniit suliffeqarfiutaanniikkunik iliuuserineqartartunut eqqumasunissaq, peqquserluuteqarluni iluanaarniartunik takunnissinnaalernissaq takunngitsuusaarinnilluni isiginngitsusuusaarinnittannginnissamut qaammarsaateqarnissaq , ukuninngalu malitseqartitsisarnissaq
- Sanngiiffinnik tikkuaasinnaanissaq pitsangorsaataasinnaasunillu siunnersuuteqartarsinnaanissaq.

Transparency International Greenlandip qitiusumik pingaarnertut naleqartitarai ammasuunissaq, tatiginassuseqarnissaq, ersoqatigittarnissaq, naapertuulluartuunissaq tamallu oqartussaaqataanissaat

## ANGUNIAGARAAGUT

inuaqatigiit, Namminersorlutik Oqartussat kommunillu, politikkikkut ingerlatsinerni tamaginni, immikkoortortaqarfinni tamaginni, namminersortuullutik suliffiutillit, inuninnaat oqartussat innuttallu ulluinnaat peqquserluuteqarluni iluanaarniarfiussanngitsoq.

## ANGUNIAGAARPUT

peqquuserlulluni pinerlunniartarnerup pinaveersaartinneqarnissaa, ammasumik, akisussaaffilimmik, tatiginassusilimmillu sutigut tamatigut inuaqatiginni qullersaqarfilt akimorlugit ingerlasoqarnissaa.

## TRANSPARENCY INTERNATIONAL GREENLANDIP TUNNGAVILIUSSAI UKUUPPUT:

1. Inuit, eqimattallu tamaasa suleqatigissavagut, Suliffeqarfilt tamaasa iluanaaruteqarpata iluanaaruteqanngikkaluarpataluunniit, kattuffiit, Namminersorlutik Oqartussat kommunit immikkoortortaqarfii lu tamakkerlugit.
2. Immitsinnut pisussaaffilissaagut ammasuujumalluta, sallujuitsuujumalluta akisussaaffeqartoorusullatalu.
3. Kikkuugaluanik tamanik illuinnaasiortuungitsumillu suleruseqarusulluta
4. Akiliilluni peqquserlutsitsinerit sumilluunniit peqquserlulluni iluanaarniapilunnerit paasisaaffiusimasut tamaasa assuaraagut.
5. Suliagut kinaassusersiorneraqanngitsumik misissuinerillu ilisimasalinnit ingerlanneqartartut atorlugit paasiniaasarusupugut, ilisimatusarnikkullu ileqqoritatigut qaffasissumik piumasaqaateqarluta.
6. Aningaasaateqqarfinniit taamaallaat taperneqartartuugatta, suulluunniit kinaassusersiuinertaqanngitsumik piumasarput malillugu, peqqissaarlunga ingerlatsiffigisinnavaagut.
7. Soqutiginnittsinnut nalunaarusiortarpugut eqqorluinnartunik ingerlaavartumillu suliarput pillugu nalunaarusiaqartarluta.
8. Inuit piginnaatitaaffiinut pingaarutilinnut ataqqinnittuunissamut kajumissaaruteqarlatalu ataqqinnittuuvugut.
9. Siulersuisunut ilaasortatta oqimaqatigiissaakkamik assigiinngitsunik tunuliaqutilinnik inuttaaliisarnissarput anguniartarparput.
10. Nunarsuaq tamakkerlugu eqeersaasunut peqataasutut immitsinnut assigiimmik pisussaaffeqatigiittut isigivut, iliuuseqarusunngilagut Immikkoortortaqarfinnut Transparency International-mulluunniit nuanniitsumik kinguneqartitsisinnasumik sunniuteqarsinnaasumilluunniit.

# TUNULIAQUTAA

Transparency International Greenland, Transparency Internationalip ataani, Immikkoortortaavoq, nunarsuaq tamakkerlugu piumassuseq tunngavigalugu sulisoqarfiiit annersaanni peqquserlunnikut iluanaarniartarnernik ammasuunissamillu tunngasutigut sullissallit Berlinimi qullersaqarfilit. 2011-mi Kalaallit Nunaanni siullermiuseq tunngaviliisoqarpooq suliffeqarfiiit pisortaat isumasioqatillu peqatigalugit ingammik uuliasiornikkut aatsitassarsiornikkullu ileqqorissaaruteqarnissanik qulakeerinnik-kusulluta aallarniivugut. Taamanernilli Transparency Internationalip nalilersuutai taakkuninngalu inerriartuutaat tamakkerlugit misisoreersimalerlugit ullumikkut akuerisamik nunarsuaq tamakkerlugu kattuffeqarfiannut ilaasortaalersimavugut, namminerisatsinnik (chapter) immikkoortortangorluta.

Ullumikkut 45-nik ilaasortaqaarlatalu suliffeqarfinnik 22-nik aamma ilaasortaqpugut. Ukiuumoortumik ataatsimeersuarnermi siulersuisunut qinersisoqartarpooq. Siulersuisut kajummissusertik tunngavigalugu sulipput akissarsinertaqanngitsumik. Nuummi annertugisassaanngitsumik ullup ilaannaanut allaffissortarfepqarpugut taassuma saniatigut sammisassaqartitsisarpugut pilersaarusiaqartarlatalu. TIG-p nittartagaani [www.transparency.gl](http://www.transparency.gl)-mut iserluitit soorlu ukiuumoortumik nalunaarusiagut takusinnaavatit.

Transparency Internationalip iliuusissanik pilersaarussiaa 2021-2030 'Holding Power to Account' pingaarnertut sinaakkutaraarput. Imaata ilaauniittut suliaapput, Naalagaaffiit Peqatigiit 2030-mut anguniagaani imminut akilersinnaasumik ineriertitsinermut tunngasut, aallaavigalugit.



## AALLAAVIK

Iliuusissanik suliaqarnitsinni siammasisumik aallaaveqarusulluta aaliangernikuuvugut soqutiginnissinnaasutigut paasiniaajumalluta. Siunertaasimavoq sapinngisaq tamaat annertusisamik, ullumikkut TIG peqatigiiffittut qanoq inisissimanersoq. Paasinissaa, tassunga ilaapput soqutiginnittuta piumasaqaataasa ilimasuutaasalu paasisaqarfiunissaat, nukittuffigut sanngiiffigut - inuit allat isaannik isigalugit. Saniatigut iluattnaatalilnik tuniorarneqarsinnaalluta takorloorlutig, soorlu periarfissanik isumassanillu nutaanik. Siulersuisuni inuttat allaffeqarfitsinniillu okt.-nov. 2020-mi 17-nik apersueqqissaarinnipput, soqutiginnittuta akornini kattuffinit arlariinneersut, suliffeqarfineersut, tamat oqartussaneersut, ilinniarfinneersut tusagassiorfinneersullu.

Paasiniaanermilu inerniliussat SWOT-imik misisueqqissaarneq aallaavigalugu ikkussukkat ataaniittut takusinnaavatit. Nalilersuutitsinnut ilanngussimavarput, paaserusukkatsigu ullumikkut qanorpiaq inissisimanerluta taakkulu aallaavigalugit sumut ingerlariaqqinnissarput aaliangersaaffigerusukkatsigu.

## ILUSILIK 1: INAARUTAASUT PINGAARNERIT: SOQTIGINNITTTSINNIK PAASINIAANITSINNI SWOT-IMIK MISISSUEQQISSAARNEQ ATORLUGU

<b>NUKITTUFFIIT</b> <ul style="list-style-type: none"><li>• Peqatigiiffik annertuumik isumaliuusersullaqqisooq tapersorsorteqarluartorlu</li><li>• Oqallissaarillaqqisooq - oqallissarsiuullaqqisooq</li><li>• Ungoornittuutitassaq suliassaminik nakkutiginnilluartoq</li><li>• Saqqummiuttakkamigut ilumuussusilik piviusorsiorlorlu</li><li>• Pikkorilluinnartunik misilittagaqalinnillu siulersuisuutilik immikkullu ilisimasalinnik ilaasortaatitalittut</li><li>• Kajumissuseq malillugu sullissalittut sumulluunniit attuumassuteqannginneq</li><li>• Kalaallit Nunaanni ilisimaneqarnerujartorneq – TIG pilersitsisimavoq aaliangiukkuminarluni ilisariuminartumik</li><li>• Nunarsuaq tamakkerlugu nukittuumut aaliangiullugu ilisimaneqarluartumut peqataaqataavoq</li></ul>	<b>SANNGIIFIIT</b> <ul style="list-style-type: none"><li>• SANNGIIFIIT</li><li>• 'Inuppalaarnerusinnaapput' – TIG inuinnaat naleqqatiginngilaat</li><li>• Inuinnarnik allannguinikkut sunniisinnanaangitsutut isigineqarput – qaffasippallaartutut inisseqgasutut</li><li>• Kalaalerpalaanngippallaarpot – oqaatsitigut piorsarsimassutsikkullu</li><li>• Oqartussaassusilinnik, aningaasaatilinnik/nukissanillu pigisalinnik ilaasortanillu peqataasunik sunniuteqarnerunissaminnut amigaateqarput</li><li>• Suliaminnut tulleriissaakkamik malitseqartitsineq ajorput – immaqami inuttassaaleqillutik</li><li>• Qisuarialeqarnerusarput siuttuunarnerminngaannik – siumut isigisumik iliusissaminnik ujarlernerusariaqarput</li></ul>
<b>PERIARFISSAT</b> <ul style="list-style-type: none"><li>• TIG tamat oqartussaaqataanerannut kinaassuseqarniarnikkullu nukittorsaaqataasinnavaavoq</li><li>• TIG tusagassiuititigut suleqateqarnermigut oqartussaassuseqarneruersinnaavoq- tassuunatigullu sulianut oqaluttuanullu amerlanernut akuutinneqalerluni</li><li>• TIG ilaasortaminut saaffiginnissuteqallaqqinnngorsinnaavoq suliakkiisinnaanngorluni – taamaalinermigut amerlanerusunik suliaqartitsisinnanngorluni</li><li>• annertunerusunik pilersaarusiukkanik sammisassiorsinnaapput immikkut tapiissutnik qinnuteqaatigisinnaasaminnik – annertunerusunik sunniuteqaataasinnaasussanik – aningaasaateqarfinnut amerlanerusunut attaveqaateqassagaluarpoq</li><li>• TIG sammisassaqtitsinermini tulleriissaarinermigut ataqtigiissaarinerusinnaavoq taamaalinermigut suliassanik sivisunerusumik ingerlatsisinnalluni</li><li>• Suleqatigilikkat oqartussaassusillit periarfissanik nutaanik ammaassisinnappa</li><li>• Suleqateqarnerit – allanik - soorlu ilinniarfiit, kajumissutsimikkut sullissisartut allat il.il. – periarfissanik ammaassiinnaratik saqquminerulernermik kinguneqartitsisinnappa</li></ul>	<b>SIOORANARTORTAI</b> <ul style="list-style-type: none"><li>• Tamat oqartussaaqataanerat unammillerneqarluni/nutaarsiassat eqqunngitsut/ inuttut kisimi oqartussatut isigileqqasut kikkut tamaasa sinnerlugit oqaluttuusisut nunarsuarmi tamarmi nunatsinnilumi sioraanaateqarpoq</li><li>• TIG sanngiisutut soqataanngitsutullu isigineqalernissaa – pingaaruteqarpoq 'sillimasutut pakkersimaarinniniartuarnissaq'</li><li>• Piffinni najugaqavissunik tapersorsorneqanngippallaaraanni sunniutaasinnaagaluit annikillillutillu akuuttsiniarneq pinngitsoorsinnaavoq.</li><li>• TIG qaffasippallaartutut isigilersooraanni oqartussanut attaveqaatinut sunniuteqarsinnaavoq, ilaasortanik soqutiginnillutik suleqataarusussusilinnik soqutiginninerinut millisaataasinanavoq, inuiaqatigiinnilu sunniuteqartaaliulersinnaalluta.</li><li>• Kajumissuseq tunngavigalugu sulisarneq mianernartuuvoq – kattuffiup pisariaqartippai siulersuisut akuulluarlutilu sulilluart</li><li>• Sulisussaasuanerit aningaasassaasuanerit sanngiiliortitsisinnallutilu sunniuteqarniarkkut kalisattooruteqalersinnaapput</li><li>• Tamaujuminartunik nutaarsiassisiarnissamik pumasqaatit/oqariartuit kippaarisut ilaanneeriarlutik ilumuussusermik patajaassusermillu inissaqtitsineq ajorput – taakkualu oqimalautaanikkut nalimmassarnissaat ajornakusoortitsilersinnaasarpooq</li></ul>

# 2021-2025 ILUANI TULLE- RIISSAARLUGIT ANGUNIAGA- LIUSSAGUT

*Transparency International Green-landip oqallinnerup iluani nipimik pingaarutilittut ersarissinerorusullutik nukittuninngorusupput ammasuunissap, peqquserlulluni atornerluisarnik pisaanerminnillu atornerluisarnik oqalliseqataanermikkut ersarinninngorusupput.*

## AAJUKU 2021-MIIT 2025-MUT ILUANI TULLERISSAARLUGIT ANGUNIAGALIUSSAGUT:

1. TIG 'sillimatitatut pakkersimaarinninniartuartuusussatut' toraakkaminut kiiguttassaaq iperaqqinnavivillugu. Tusagassiutitigut allatigullumi tusarliussatsinnut malitseqartitsisassaagut, piariivinngippallu iperartassanngilarput.
2. TIG pisariaqarfisigut malunnaatilimmik akuliuttassaaq susassaqarfitta suliassat pingarnerit iluini **ilusilersuutinut pisullu ingerlaarnerinut** nuannersumik sunniuteqaqataasussatut akuusassaagut ilorraap tungaanut ingerlanissamik siunnerfilimmik.
3. TIG Kalaallit Nunaanni peqquserlulluni iluanaarniartarnernut (peqquserluttannginnissamullu) **ilisimasanik katersuiffiutigaluni** ingerlaavartumik qulakkeerinninniartassaaq Kalaallit Nunaanni ilisimasat ilaartortuassasut nalilersuuteqaqattaarternerit atorlugit saniatigullu kajumissaaruteqartassallutik ilisimatusaatnik nunatsinni ingerlassisoqartassasoq.
4. TIG **kattuffiussaaq atassuteqaat nukittooq**, tusagassiutaappata, nittartakkatigut attavissaappa, ilisaritinnermut tunngasuuppata attavissat susassareqatigiit suugaluarpatluunniit assigiim-mik sullitatsinnut soqtiginaateqarpata, attuumappata imaluunniit isumassarsiorfiusinnaappata.
5. TIG nunamut tamarmut **peqquserluuteqarluni iluanaarniartarnermut ilisimasanik tun-niussuisuussaaq** anguniagarissallugulu inuiaqatigiit, kattuffiit, suliffeqarfiiit allallu soqtiginnis-sinnaasut ilisimassagaat ammasuunerup, pissaanermik atornerluinerup peqquserluuteqarlunilu atornerluinerup isumaat suunersut saniatigullu oqaluuserisarsinnaassagaat. – Oqaluuserisartakkatsinnik oqaluuserinnittartut amerliartemerat ilutigalugu oqartussaaqataanerput annertusiartussaaq.
6. TIG-p **anguniassavaa qulakkeerniassallugulu aningaasaqarnermigut isummannaat-suunissani**, taamaalinermigut nukissaqarnerulissagami pilersaarusiaminnik, suliassaminnik suliniutiminnillu ingerlatsinissaminnt. Tamanna pisassaaq aaqqissuussamik aningaasatigut tapiiffigineqarnissamik qinnuteqaateqartarnikkut.



# **ANGUNIAGALIUSSANUT TAPERTATUT PILERSAARUSIORLUGIT SULIUNIUTIT**

Suliniutissat ataani tulleriissaarlugit allatorpagut, siullertut anguniagaliussatsitut pilersaarusiukkagut. Transparency Internationalip 2030 anguniagaliussaanut atassusikkagut nalunaarsorpagut (bilag 1). Ukiumoortumik iliuusissiarput 2021-mi ataatsimeersuartoqalerpat saqqummiunneqassaaq.



## PILERSAARUSIORLUGU SULINIUTEQARFIK 1: SILLIMASUUTITATUT PAKKERSIMAARINNITTOQ

*Transparency International Greenland 'sillimatitatut pakkersimaarinninniartuu-sussatut' toraakkaminut kiiguttassaaq iperaqqinnavivillugu. Tusagassiutitigut allatigullumi tusariussatsinnut malitseqartitsisassaagut, piariivinngippallu iperartassanngilarput.*

**TI 2030: anguniagaq siulleq "Protect the public's ressources"  
anguniagarlu pingajuat "Secure integrity in politics"**

### Pilerausiorlugit suliniuteqarfissat:

- Suliteqarfinnut qitiusunut 'pappialanngorlugit paasissutissanik' inerisaallutalu suliaqartarnissarput.
- Ukioq kaajallallugu ukiut tamaasa aaliangersimasumik piuartartussanik takussutissiorluta ingerlaavartumillu nutarsartuartarlugit.
- Tusagiortunik suleqateqalersinnaanissamut periarfissanik ujartuilluta



## PILERSAARUSIORLUGU SULINIUTEQARFIK 2: OQARTUSSAAQATAANEQ

*Transparency International Greenland pisariaqarfisigut malunnaatilimmik akuliuttassaag susassaqarfitta suliassat pingaernerit iluini **ilusilersuutinut pisullu ingerlaarnerinut** nuannersumik sunniuteqaqataasussatut akuusassaagut ilorraap tungaanut ingerlanissamik siunnerfilimmik.*

**TI 2030: anguniagaq 3 "Secure integrity in politics" anguniagarlu arfernat "Expand civic space for accountability"**

### Pilerausiorlugit suliniuteqarfissat:

- Tulleriaarlukkamik, politikkikkut partiinullu soorlu aamma kommuninut suliffeqarfinnut Inatsisartunilu ataatsimiititalianut attuumassutilinnut, attaveqateqartarniarnissarput.
- Tusarniaasartunik peqarnissaq, tusarniaanerni akissutinik pisariaqartillugu tusarliisartussaq
- Naalagaafit Peqatigiinni peqquserlulluni iluanaarniartarnerit pillugit isumaqatigiissusianik, nunatsinni atuutsitsisalernissamik isumaqatissarsiortarnissaq.



## PILERSAARUSIORLUGU SULINIUTEQARFIK 3: ILISIMASANIK KATERSIFFIK

*Transparency International Greenland Kalaallit Nunaanni peqquserlulluni iluanaarniartarnernut (peqquuserluttannginnissamullu) **ilisimasanik katersuffiuutigaluni** ingerlaavartumik Kalaallit Nunaannilu ilisimasat ilaartortuartaarnissaannik qulakkeerinnittarnissaq.*

**TI 2030: anguniakkap pingajuat "Secure integrity in politics"  
anguniakallu aappaat "Stop flows of dirty money"**

### Pilerausiorlugit suliniuteqarfiit:

- TIG-p pingaarnertut suliniutaasa iluini ilinniartut allaaserisaqarniartut PhD-iliorttluunniit tapersersortarnissaat periarfissiinikkut.
- Kalaallit Nunaanni killiffinnik sumulluunniit attuumassuteqangitsunit misissiuffigineqartarnissaanik qulakkeerinninnissaq, soorlu Qanoq peqquseruttoqartartigineranik takorluuinermut uuttuut (*Global Corruption Barometer*), Nordic Business Integrity Study assigisaallu
- Ammasumik ingerlatsinissatigut ileqqorlunniikkut iluanaarniartarnernut paassisutissat nittartakkatsinni atuaruminarsarnerisa saniatigut aaliangersimasumik ileqquliullugu attaveqaatinut allanut attuumassuteqarsinnaasunut paassisutissiissuteqartarluta.
- Piffissanngoraangat soqtiginaateqarsinnaasunik misissueqqissaarinerit ilisimasanillu suliarinnissinnaasunik suleqatissarsiusarnissaq



## PILERSAARUSIORLUGU SULINIUTEQARFIK 4: ATASSUTEQAAT NUKITTOOQ

*Transparency International Greenland **kattuffiussaaq atassuteqaat nukittooq**, tusagassiutaappata, nittartakkatigut attavissaappata, ilisaritinnermut tunngasuuppata attavissat susassareqatigiit suugaluarpataluunniit assigiimmik sullitatsinnut soqtiginaateqarpata, attuumappata imaluunniit isumassarsiorfiusinnaappata.*

**TI 2030: anguniakkap arfernat “Expand civic space for accountability”**

### Pilersaarusrugit suliniuteqarfiit:

- Soqtiginnittunik allanik suleqatissarsiorneq, paasissutissanik siammertererusuttunik ammasumillu ingerlasoqarnissamik peqquserlunnikkullu iluanaarniartarnerit pillugit paasissutissiinissatigut ingerlassalinnik
- Siulersuisut tusagassiutitigut avammullu paasissutissiissuteqartarnerup tungaasigut qaamaasaqarnissaannik qulakkeerinninnissaq
- Avammut attaveqartarnissatigut ersarissumik maleruagassamik ineriartortitaqarnissaq tusagassiutinilu assigiinngitsuni nittartakkatigullu naapittarfinni ingerlaavartumik malitassamik pilersaarusrornissaq



## **PILERSAARUSIORLUGU SULINIUTEQARFIK 5: KIKKULLUUNNIIT TAMARMIK ILEQQORLULLUNI ILUANAARNIARTARNERIT, PISSAANERNILLU ATORNERLUSARNERIT IMA ILISIMASAQARFIGI- LERSIMATIGISSAVAAT ALLAAT 'UAGUTSITUUT OQALUUSERINNISINNAALERSIMASSALLUTIK'.**

*Transparency International Greenlandip nunatsinnut tamarmut, ammasumik pissusilorsor-nissat, ileqqorlulluni iluanaarniartarnerit, piissaanernik atornerluisarnerit pillugit ima paasis-sutissiisarsimaticqisaq inuiaqatigiit, kattuffiit allat, suliffeqarfitt soqutiginnituusinnaasulu allat paasisimasaqalingaaramik oqalliseqataasinnaangorsimassallutik. Oqalliseqataasin-naasut amerliartillugit, oqartussaaqataaneq assinganik annertusiartuinnartussaavoq.*

**TI 2030: anguniakkap arfineq-aappaat**  
**"Build community leadership against corruption"**

### **Pilerausiorlugit suliniuteqarfiit:**

- Kalaallini inuiannut, TIG-imi oqariartaatsit taakkartorneqartullu, ilisarnarsaagaanissaat paasinarsagaanissaallu
- Tulleriissaakkamik ukiut tamakkiallugit aaliangersimasunik sullikkusutanik aallaavilerluni sammitikkusutanik pisariaqartitanik tulluarsarlugit aaliangersariikkanik apuussaqartarnissaq
- Sullikkusutat kikkuuneri apeqqutaatillugit suleqatigisinnasassarsortarnissaq akuusarnissarlu



## PILERSAARUSIUKKAMIK SULINIUTEQARFISSAQ 6: ANINGAASAQARLUARNEQ

*Transparency International Greenlandip anguniassavaa qulakkeerniassallugulu  
atingaasaqarnermigut isummannatsuunissani, taamaalinermigut nukissaqarnerulissagami  
pilersaarusiaminnik, suliassaminnik suliniutiminnillu ingerlatsinissaminnut. Tamanna pisas-  
saaq aaqqissuussamik aningaasatigut tapiiffigineqarnissamik qinnuteqaateqartarnikkut.*

### Pilerausiorlugit suliniuteqarfiit:

- Ilaasortassarsiuineq annertusarlugu ingerlaavartumillu ilaasortaanermut akilummik nalimmassaasarnissaq
- Aningaasaateqarfinnut qinnuteqaateqarnikkut ulloq naallugu allaffimioqarsinnaanis-  
samut qulakkeerinninniarnissaq ajornanngippat marlunnik ulloq naallugu sulisoqarluni
- Immikkoortortaqarfinnik allanik suleqateqalersinnaanissaq qulakkeerneqarsinnaavoq  
Tl-mut tapiissutinik qinnuteqarnikkut
- Aaqqissuussamik aningaasaateqarfinniik aningaasanillu agguassisarfinniik  
ataqatigiissumik tapeneqarnissamik qinnuteqaateqartarnissaq

# BILAG 1:


## TRANSPARENCY INTERNATIONAL 2030 STRATEGY *HOLDING POWER TO ACCOUNT*

### DEFINITION:

*Corruption is the abuse of entrusted power for private gain*

VISION	A world free of corruption
MISSION	To stop corruption and promote transparency, accountability and integrity at all levels and across all sectors of society
AIM	Power (is) held to account for the common good
OBJECTIVES	<b>Social oversight:</b> Activate social oversight to protect the common good <b>Enforcement:</b> Accelerate the enforcement of anti-corruption standards for accountability <b>Checks and Balances:</b> Advance institutional checks and balances against concentration of power

# TRANSPARENCY INTERNATIONAL'S OBJECTIVES TO 2030



# 7 OBJECTIVES 15 OUTCOMES

<b>1. PROTECT THE PUBLIC'S RESOURCES</b>	<b>1.1</b> Maximum openness, transparency and responsiveness in public contracting <b>1.2</b> More effective prevention and exposure of public sector bribery, theft and abuse of power
<b>2. STOP FLOWS OF DIRTY MONEY</b>	<b>2.1</b> Disabled systems for secret payments and concealment of assets <b>2.2</b> Increased accountability for corruption – enabling networks and gatekeepers
<b>3. SECURE INTEGRITY IN POLITICS</b>	<b>3.1</b> Removal of undue influence from elections and political appointments <b>3.2</b> Greater transparency, accountability and equity in influence over public decision-making
<b>4. DRIVE INTEGRITY IN BUSINESS</b>	<b>4.1</b> A critical mass of business leadership fulfilling strong integrity commitments <b>4.2</b> More effective exposure and punishment of corrupt business
<b>5. PURSUE ENFORCEMENT AND JUSTICE</b>	<b>5.1</b> Strengthened independence, capacity and will to act for integrity institutions <b>5.2</b> Greater equity, consistency and removal of bias in corruption prosecutions and juridical outcomes <b>5.3</b> An effective international anti-corruption enforcement framework
<b>6. EXPAND CIVIC SPACE FOR ACCOUNTABILITY</b>	<b>6.1</b> Enhanced freedom and security for activists, Whistleblowers and journalists to challenge abuse of power <b>6.2</b> Increased channels for people to demand results for the common good
<b>7. BUILD COMMUNITY LEADERSHIP AGAINST CORRUPTION</b>	<b>7.1</b> Strengthened public discourse based on deeper understanding and acceptance of accountability values <b>7.2</b> A next generation of civic, public and business leaders better equipped to fight corruption

**Transparency International Greenland**

Imaneq 41

3900 Nuuk

GL-Greenland

Postboks 1613

Phone: +299 32 88 88

[info@transparency.gl](mailto:info@transparency.gl)

[www.transparency.gl](http://www.transparency.gl)

[facebook.com/transparencygreenland](https://facebook.com/transparencygreenland)